

Sorotan krisis Syria

Setelah berlarutan selama hampir tiga tahun, krisis di Syria telah berkembang daripada konflik bersenjata antara pemerintah dengan kumpulan pemberontak, kepada persengketaan lebih luas melibatkan kaum-kaum minoriti, puak-puak berbilang mazhab dari negara-negara jiran. Wartawan Berita Harian, Mohd Nizam Ismail dan Adli Yashir Kuchit, menyingkap pergolakan itu.

KRISIS di Syria telah menarik penyertaan ramai pejuang militan ataupun askar upahan dari negara-negara lain.

Ini termasuk penyertaan anggota militan dari rangkaian pengganas Al-Qaeda dari Iraq, kumpulan militan Hezbollah dari Iran. Salah satu akibat daripada penyertaan militan asing ke Syria, ialah sengketa yang menjadi lebih sengit dan membinaasan.

Militan asing tidak mempunyai hubungan emosi dengan Syria ataupun rakyat, budaya, tradisi atau warisan negara berkenaan.

Oleh itu, mereka tidak terlalu risau jika tindakan ganas mereka menghancurkan Syria.

Kehadiran mereka meningkatkan skala krisis kemanusiaan, menyukarkan penyelesaian politik, menyebabkan konflik berpanjangan dan menambah kesan negatif kepada negara dan rantau itu.

Sejak krisis bermula tiga tahun lalu hampir 150,000 orang telah terkorban, 6.5 juta rakyat Syria kehilangan tempat tinggal dan lagi 2.5 juta kini menjadi pelarian di negara-negara jiran seperti Jordan, Turkey dan Iraq.

PIHAK-PIHAK BERTELAGAH



Kumpulan militan Sunni seperti Barisan Al-Nusra dan Isil yang ada kaitan dengan Al-Qaeda mengambil kesempatan untuk memperluas pengaruh mereka di Syria.



Kaum minoriti Kurdi yang mahukan autonomi menguasai wilayah utara dan timur laut Syria.



Tentera Syria Bebas (FSA) dianggotai pegawai Syria yang berpaling tadi, anggota pembangkang dan orang awam yang mahu menuhubung sistem demokratik di negara itu.



Tentera Syria yang taat kepada rejim Presiden Bashar al-Assad menguasai bahagian barat Syria dan beberapa bandar strategik.



Rejim Presiden Assad juga menerima sokongan pejuang kumpulan Syiah dari Iran, Lebanon dan Iraq.

PENGIKUT AL-QAEDA KINI DI SYRIA

PANGKALAN MILITAN: Anggota militan Al-Qaeda kini telah menyusup masuk ke Syria dan menggunakan wilayah tersebut untuk merekrut anggota dan membangunkan keupayaannya melancarkan serangan dari dalam Syria, dan juga menggunakan negara itu sebagai tapak pelancaran serangan ke negara negara lain. – Foto AFP



Gambar yang diedarkan oleh Arab Syria News Agency (SANA) menunjukkan orang ramai menunggu pengagihan bantuan makanan oleh Kementerian Hal Ehwal Sosial Syria dengan kerjasama Eropah di kem pelarian Palestina Yarmuk yang telah dikepung, pada 31 Mac 2014. Kem pelarian Palestin itu adalah sebuah bandar sibuk dengan penduduk seramai 170,000 sebelum perang. Kini ia adalah rumah kepada 18,000 pelarian Palestin dan beribu-ribu orang Syria, yang semuanya telah berada di bawah pengawasan tentera sejak Julai 2013. – Foto AFP

MANGSA KRISIS

Terkorban sejak sengketa bermula

Lebih **146,000** orang termasuk **10,000** kanak-kanak.

6.5 juta penduduk hidup sengsara di Syria.


2.5 juta pelarian Syria berada di negara lain.

Ekonomi hampir musnah.

Inflasi cecah 40 peratus.

Nilai pound Syria jatuh.

PEREBUTAN KUASA DI SYRIA



Sumber: UNHCR

KRONOLOGI KRISIS SYRIA

2011

2011 Mac: Tunjuk perasaan di Damsyik, ibu kota Syria. Beberapa orang di tembak mati, cetusan bantahan besar-besaran di Damsyik dan bandar-bandar lain.

Jul: Presiden Bashar al-Assad kirim tentera untuk tundukkan bantahan.

Ogos: Amerika Syarikat dan Kesatuan Eropah (EU) gesa Persiden Asad letak jawatan.

Okt: Pihak-pihak pembangkang tubuhkan Majlis Kebangsaan Syria, ikar gulingkan Presiden Assad.

2012

2012 Feb: Tentera rejim serang bandar Homs, ratusan terkorban.

Apr: Hampir 100,000 terkorban sejak Mac 2011.

Jul: Jeneral Manaf Tlas berpaling tadi, pegawai tertinggi Syria yang melakukan demikian.

Tentera serang Tremseh, Homs, lebih 200 terkorban.

Menteri Pertahanan Daoud Rajha dan timbalannya Assef Shawkat, terbunuh dalam serangan bom nekad.

Sept: Tentera Syria Bebas (FSA) mengebom bangunan tentera di Damsyik.

Dis: Perikatan Nasional Syria diiktiraf beberapa negara sebagai wakil rakyat Syria.

2013

2013 Mac: Tentera udara Syria serang bandar Raqqa.

Apr: Syria disiyaki guna senjata kimia.

Mei – Jun: Tentera rejim dan sekutu Hezbollah tawan bandar strategik Qusair.

Sept: Senjata kimia digunakan dalam serangan di Damsyik.

Okt: Presiden Assad benarkan penyiasat antarabangsa hapuskan bekalan senjata kimia.

Dis: Amerika Syarikat dan Britain gantung kiriman bantuan kepada FSA selepas kumpulan militan Islam menawan beberapa kubu FSA.

2014

2014 Jan – Feb: Rundingan damai Syria di Geneva temu jalan buntu.

Mac: Tentera rejim dan Hezbollah tawan semula bandar Yabroud.



Sumber: UNHCR, AGENSI, BBC, AFP & SOUFAN GROUP